

中國方志叢書·華中地方·第二三九號

據


民國二十五年
金天
刊
本

影印

安徽省

皖志列傳稿

成文出版社有限公司印行



10094216

中國方志叢書·華中地方·第二三九號


據

民國二十五年
金天
翻撰
刊本

影印

安徽省

皖志列傳稿



成文出版社有限公司印行



10094217

120116

中華民國六十三年十二月臺一版

皖志列傳稿

全二冊

發行人：黃

成助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

新學知

新學知

PDG

序

蘊乎中而發乎外有諸已而因於物此建言之質也探賾鉤深摘藻振采使觀者興感鼓舞此建言之文也凡著書能傳之久遠必有其質而又長于文文弗善雖有質而莫之好質不存文固失其依據則流宕之游言耳著書之體非一而人之才各有所擅孟荀莊韓以論辨屈原宋玉以辭賦司馬遷班固以敘事其所擅者不同要以發抒蘊蓄因物見意皆自成一大家言者也吳江金先生松岑宗儒家之術志經世之業論辨辭賦皆所擅也而尤樂爲敘事之文平素掣治左馬班范之書至篤也觀古今理亂得失之迹至熟也以爲載之空言不如見諸行事之深切著明此孔子所爲作春秋也故嘗有志於爲史身非史官不獲猶祕閣之藏有懷莫遂暨其晚歲皖省修通志延先生誦次列傳先生乃因皖省數百年間賢姦淑慝之行事寄其深心焉藉一端以攝全體則囊括閎矣卽一事以昭定理則法戒彰矣是故于張廷玉曹振鏞孫家鼐李鴻章傳可以察國勢盛衰之由于朱元璋年羹堯等傳可以窺機權之用於張汶祥傳足以正疑事誅邪惡見顯達者之醜行不可藉勢位而終掩於梅文鼎戴震姚鼐等傳著一代學術文章之變於程智周穀等傳寓廣道術揚幽晦之意依類求之

全書義例可推知焉於黃生傳尊其艱貞高蹈於方苞傳重其慷慨尚名節於戴名世孫學顏傳表全上選之忠烈於吳廷棟傳謂其說愈常其理愈真其人能慎獨不欺而於修齊治平之道措之裕如者皆聖人徒明學問自有根本不在講誦之博攷據之精才華之盛先生爲文倜儻權奇此編亦頗搜羅環異以壯文采顧其會歸一依乎平實可謂語不離宗矣至若採摭之富甄擇之審運裁之妙才學識三長庶幾具備昔李習之自負有良史才謂所作楊烈婦傳高愍女碑不在孟堅伯喈下嘗欲作唐之一史而未就蓋述錄一二篇則易詮敘衆篇則難今先生所造雖止一百四十篇比於習之不已多乎其自負欲與班范爭先不爲過也

二十五年二月八日武進徐震謹譔

序一

余嘗論有清中葉文教之盛比隆唐宋廬陵歐歆間儒碩踵起若江戴之經術方姚之文章尤卓然獨著前可以繼古人後足以待來葉可謂一世之魁俊者也顧其時士以文學鳴者蓋已多矣或著述盡廢傳聞多舛末學後進有不能舉其姓氏里居者令人憤嘆無已間常思與一二博聞多識之士論刊吾皖英彥耆賢行誼之詳比次往聞綴輯傳狀略取李元度先正事略之例勒成專編非特存敬恭桑梓之義抑承學之士思所以恢弘先民之法言以型式流俗固如是也吳江金松岑先生今世之工爲文者往歲就吾省通志館之聘主撰人物志窮三載之力網羅羣籍拾遺補殘成列傳百數十篇其敘事瞻博文辭尤瑰放可喜足以方駕歐宋陵躐蕭魏自來纂志傳者所未有也往余竊怪皖南之爲邦岡嶺盤紆道里遼阻故民俗醇謹而學尙沉實桐城則枕江背山津塗通會其民風秀美文學稱郅盛焉獨穎毫廬鳳之交平野千里淮泗交注據南北爭戰之衝民居習聞抱鼓之音慨然有荷戈馳驅之志先文忠相國用之以集大勳一時雄傑扶搖風雲蔚爲鉅才蓋以百數其流風遺俗猶有存者先生於此亦復言之具詳此其憂國覘變孤識遠懷異乎衆人之所爲豈與夫雜探

羣言者爭參覈稽訂一日之長哉因與僑吳諸君子議共集資鋟布阜陽李君鍾承祿款既多親任校讐從事有勞以予交厚於先生屬序其端余淺學奚足與語脩志事徒幸此書之成上堪爲後賢脩史之助而下裨治學者古者切劘之功也輒不辭而書其簡末云爾民國二十五年一月十五日合肥李國瓌伯琦謹序

擬安徽通志凡例目錄草案

凡例

周官外史掌四方之志志卽後世之史而史則前代之官也方志者史之別子也其義昭晰於古有徵皖自析疆置吏以來通志之修創始於有清道光而同治之間續修之概分十志沿江南通志之例遵守勿改迄今五十餘年中外棟通朝野變法政教雅頌風舉雲搖遞更迭嬗蕃變不已欲賡續前志非復十部所能歸約蓋創述相半斯因革隨時况兩粵三晉諸志宏規具在時當嘉道業已展拓疆宇規仿典略矧在今日甯避改絃今定爲四紀八圖十三表二十三考而列傳一遵史例終以摭記及辨證以盡古今之變用備國史之采

史冠本紀創自子長二十三史相沿莫革紀者理也王者疆理天下百政之所自出紀以存年年以統治會稽章氏以爲昉自呂覽十二紀竊考太史公讀禹本紀言河出崑崙則其誼古矣帝政旣黜皇言用刪今首立四紀一曰大政二曰大事三曰輿地四曰山川夫政與事誼不同科政有綱紀事無統類政屬建置如國邑廢興疆界析合官守移易發號施仁以及三權之分議會自治之立皆隸於此事爲紀載有史以來天變地異人事革易羣雄割據內

外戰爭民族盛衰文化進退社會消長凡不繫乎經政者皆屬焉志表方域故必測驗地望周步廣輪原本山川繼禹之舊乃符厥職前人方志山川一目往往孕括輿地之中夷考漁仲嘗譏班史志地不主山川而主郡國謂九州有時而移山川千古不易皖省雄跨東南四瀆襟其二五嶽古占其一脈理縈帶動關數省而政治區畫華離無定蓋一本天然一爲人治在昔山表柏翳水著桑欽喬嶽翁河自當別立專紀位於輿地之次然後三才八政乃有條貫人文地事燦然明著矣

往古地志本號圖經左圖右史義必相輔蓋心營四海尤必目謀方尺前史無圖考古者易滋聚訟今四紀之後卽附諸圖畫井分野各治其地疆域爲先府州縣分圖次之歷代沿革又次之沿革斷代爲圖僑置參錯必詳必核山形無改水有湮徙水道沿革次之國有聘問官有輜軒民有商旅兵有攻守士有宦學文化於焉調節風俗於焉蛻變故交通次之路航郵電驛傳津渡備載不漏鐵道北有浦信南有甯湘擬築未成均予調製天不愛道地不愛寶五金石炭藏山待發國富增殖民業攸昌苟經勘驗不致遐遺故終以礦產分配製圖法式力主新穎善手精測堅紙製版舊圖疏舛茲焉無取

古人建都立邑必先相其陰陽揆之以日蓋地事統乎天而後辨方協紀無或差忒創闢年
世得以譜列耕作收穫乃有時序陰刑陽德庶績咸熙今茲列表冠以星度而分野之說屏
置不錄紀天理地人事以起圖明疆域斯表先沿革府州縣境綱舉目張蒞事以官任事以
賢故歷代職官封建封爵與夫選舉諸表次之官之大經在乎豐財和衆取之有度用之有
節反是則民力將屈故會計賦役次之徠之有術息之有方反是則民生不昌故戶口族姓
又次之民之秀者具三不朽國重其名史載其迹炳若丹青昭如星日爰仿班史人表之例
分列十有二等曰聖賢帝王名臣孝行忠節儒林文苑武功隱逸列女方技方外而姦佞附
之示彰瘡也入清以後史未殺青才賢輩出乃歸列傳若夫閭巷之士閨門之女貞孝節烈
往往兵革之交冒白刃赴清流一瞑不視見旌於朝此兩間之正氣斯民之坊表爰稽方策
爲旌獎表次焉晉書備載一代史家蓋徵文考獻述往思來秉筆之功於今有造前賢心事
不容湮晦今本斯義創立前志纂修諸賢一表附於十二表之後其有文章行誼燦然明著
者則有列傳可歸彼此互見焉

馬班著史功在八書十志君卿貴與擴爲典考漁仲之略尤見精識皖省前志部類關於經

政不過食貨河渠學校武備自光宣之間庶政勃興一日之細事業宏偉遂至昔日附庸蔚成大國今廣其例爲二十三考周禮六官聯事受成家宰省之百政必有統攝章條分布繁而得紀爰綜厥例首立庶政一考農爲國本食爲民天江淮之交國之奧區欲盡地力必復溝瀆水工不施旱潦乃作故次以農政河渠繼之東南賦重自唐已然元明建都北地又飛芻輓粟以餉畿輔弊極於清迄於晚近名實茲舛有待釐剔故賦役漕運次之國家三大稅源田賦之外厥惟關鹽而釐金病商弊之所藪故次以賦役而鹽稅關權繼之財貨通易義取流布子母相權圜法以起清晚鼓鑄幣乃滋惡故圜法次之欲爲斯民興大利必爲斯民禦大患故荒政次之此皆經政之大綱也夫財用不足國非貧人材不競之謂貧故學制次之欲競文德必奮武衛故軍政又次之皖省廣谷大川南北異勢風俗異情水陸驛置通運是亟故交通次之律度量衡柄操於國道路關隘或不齊同周采博考以詔遐邇故權度次之地之蕃育覘其物采民之慧巧課其工藝文化之廢興久暫考其遺蹟與夫禮樂制度謠俗故方物古蹟禮俗又次之且夫文化者天不能產地不能茁所以創之者人人心之精者其有聲爲文其無聲爲諸美術藝事皖省樸學高文通才名士下至百工多可甄錄故經籍

金石書畫技藝又次之方言可以證族姓宗教可以卜民智互市以來歐人之傳教者偏乎窮僻黨仇訟爭往往致巨獄亦當世得失之林故備考方言宗教而繼以互市終焉

詮次二十三考既竟更於經籍金石有所推闡蓋經籍一考人文之淵匯耆獻之菁英近奉功令志藝文者必附提要遐考諸史本無前例惟子政典校輒取羣書敷陳義類燦然爲文以次條奏名曰別錄隋許善心倣阮氏七錄更製七林各爲總敍冠於篇首又於部錄之下明作者之意區分類例焉康成三禮目錄一卷就三禮篇目爲之提要夫國史藝文備譜古今海內之書連閣累棟苟於撰人名氏之外增加考訂不得不讓之專書若省志則限以方域使經籍羣書之下倣鄭許之義於作者名氏年代邑里官資出處與夫文章指要爲簡明之詮次例亦適當同治朝王闔運修桂陽州志藝文一卷附撮大意近人修鄂省通志卽本此誼惟鄂志於提要不自撰而轉錄晁陳以來諸家序跋多占篇幅不無遺議耳

往志金石有石無金廣西通志僅有銅鼓一考獨晉志首載鼎爵鍾彝權尺泉貨雖佚必收而楊守敬撰湖北通志金石門自鐘鼎爵鼐下及古磚並摹其文積卷二十有四今廣其例並及書畫古物蓋美術法器造物所始吉光片羽留貽至今縱在私家亦宜簿錄苟爲靈迹

雖佚必書金石或摹款識或登拓片書畫古物則仿秦西影寫製以精版隨時附入（內政部通志事例概要第九條名勝地方分別製繪專圖似名山風景亦不妨以山水筆法繪影附入）

金石既登款識文字是否再附題跋以嚴格論志列金石但須目錄其下附載時地與書體石則撰書人名氏有無篆額碑陰佚則書佚不與金石專書相犯然瞿中溶預纂河南通志撰中州金石記文字考證兩者畢具而楊守敬繆荃孫湖北金石志徧搜題跋乃與金石萃編無異今新修鄂志削去金文視楊氏爲簡然亦占一十四卷山西通志金石占十卷惟徧檢諸志有一通病所收碑碣概以元末爲止卽王氏金石萃編所收亦止於金方彥聞補之仍止於元陸耀通續之止於金夏將以元明爲非古耶金與西夏安得爲古將以爲前無成書不易按圖索驥耶則志金石者乃憚深山窮谷智井廢利之搜求何其好逸而惡勞也夫歐陽永叔趙明誠甄錄金石直至五季之末不以世近而屏之史家不錄則五百餘年之殘碑剩碣苟罹於毀滅文學之士當與僉夫樵牧分任厥咎且收經籍者類止清季金石之登何有二致是故訂往哲厚古薄今之失以爲本志發潛表隱之準辭不嫌贅非好辯也

志爲一省之史所傳之人不必其爲幾文辭武通經博雅仗節死孝之流而諸省方志往往將人物分隸於府廳州縣之下雖有賢傑與山林者同占數行之篇幅其式等於近刻之尙友錄或人名大詞典言之無文行之不遠且使人倉卒欲檢恆苦無從竊謂孤忠巨孝通儒達識文德武功之人磊磊天地間種得之而貴邦得之而榮非一府一縣所得而私也是宜法馬班陳范諸史特著爲傳而且不列於專目之傳如董仲舒楊雄曹褒鄭玄通儒之冠兩漢不列於儒林魯恭卓茂循吏之首張衡崔駰蔡邕文章之伯范史不列於循吏及文苑蓋事狀既多專傳所不能容也然或事狀過繁將來國史義得備載無取乎連簡累牘清末淮軍諸將卽其例也夷考太史公記留侯謂所與上從容言天下事甚衆非天下所以存亡故不著傳管晏曰旣見其著書欲觀其行事是以不論論其逸事至其書世多有之然則傳狀碑誌之鋪張絢爛得以簡筆敘之而詳其所略如別傳之例則深心託於毫素文不病其蕪累矣（列傳目中名人傳卽指此例人多不列舉故曰名人）至於志傳之起當起於明清鼎革之交終於宣統之末三百年中一方文獻儘足雄視百代乃若名不震耀事有可傳或據子孫投牒或散見府州縣志者則概爲列傳乃分屬府縣如往志之例（例傳目中末條

僅書列傳二字卽屬此例）庶於網羅放失之中鉅細兼包而輕重咸得厥位耳

前志卷末附以摭記辨訛兩目蓋一爲志餘故實無可編類說郭裨乘竊比識小一以前志記載容有失考匡繆糾違附於諍友今師其例惟易辯訛爲辯證不敢翹前人之非所以示謹也往志纂修諸人必列銜卷首今乃退置卷尾並附略歷不敢居古人之前所以示卑也凡志文採用之書必詳注於篇末不敢掠前人之美所以昭覈也志已雕版或者續有采獲別立補遺一門以待後來續修者之甄綜所以求益也綱目雖備必有志材以實之然當采輯之時或書闕有間案牘無存絀索旣窮則子目亦當刊削其他根乎事實隨時將有移易刪併要其大體無所更變全志脫稿則凡例當再修正所以自道其成書之甘苦非謂設一成之格強事實以從我也

至於通志起訖論議滋多或謂止於宣統三年或謂迄於民國二十年竊嘗加以討論期有折衷考歐西史志類以科學方法取政治變革之交割分時代然則宣三之秋革命起於武漢皖省同時響應中人退位清社遂屋正爲通志告一段落自民國一十九年之中政教禮樂節次蛻變蒸蒸日上未有止極苟使新故相聯猶以方鑿置圓枘然民國以來一十九年

之章制又豈可任其放佚則莫如別定綱目綴爲長編采訪各員勤加甄錄一俟本志斷手即行繼續編纂長編之目迥異新志因革損益蘄合政情兩目並陳庶幾觀禮問俗得有考覽焉

目錄

卷首

總敘 凡例 目錄

第一 爲紀四

大政紀 大事紀 輿地紀 山川紀

第二 爲圖八

疆域圖 府州縣分圖 歷代沿革圖 山脈圖 水道圖 水道沿革分圖 交通圖
礦產分布圖

第三 爲表十三

星度表 北極高度 日高 偏度 食節氣 日出入 中星 地理沿革表 府州縣表 歷代職官表

完

刊

五

局費
選政
舉院
附誌

健國
附錄

爲考二十三

致 謝

各級後局
洋務
警察
財政
官學
監理
校官
法院
國稅
廳
其他
新諮
政議

農政考

河渠考
治
繪
局
淮
督
辦
工
程
院
洋
北
日
本
測
利
勘
中
國
院
製
水
利
江
蘇
皖
東
南
壩
水
利

賦役考
役
釐
丁
糧
田
分
減
台
賦
均
清
田
賦
徭
徭
徭
本
升
色
科
與
折
沈
色
糧
條
科
鞭
則
附
徵
科
錢
則
與
細
徵
數
銀
表
忙

112

漕運考
漕運衛田軍漕運縣民漕運處漕運支折運漕兌有運漕縣長分運漕運船制額度

鹽法考
附
斤
加引
價
（附
歷
年
鹽
斤
額
如
價
掣
表）
局
鹽
務
私
積
販
弊
緝

關權考

圖法
時
米
銀
銀
錢
數
表
幣
私
國
銀